

आकाशवाणी

खबरां ---

1 महिला पलोआन विनेश फोगट होरें गी पेरिस ओलंपिक्स थमां मता वजन होने करी अयोग्य घोषित कीता गेआ ऐ।

2 राष्ट्रपति, प्रधानमंत्री ते गृहमंत्री होरें पेरिस ओलंपिक्स च विनेश फोगट हुंदे अयोग्य घोषित होने पर दुख जाहिर कीता ऐ।

3 भारतीय चुनांस आयोग नै राज्यसभा च 9 राज्यें दियें खाली पेदिएं 12 सीटें दे बारे अधिसूचना जारी कीती ऐ।

4 राष्ट्रपति द्रौपदी मर्मू होर व्र'ऊं दिनें दे दौरै गितै न्यूजीलैंड दे ऑकलैंड पुज्जी गेइयां न।

5 सरकार हर शैहरदार गी आई.टी क्रांति दे ला यकीनी करने गितै मुल्खै दे आई.टी उद्योग गी टायर-2 ते टायर-3 शैहरें तगर लेइये जाने दी योजना बना'रदी ऐ।

## Vinesh-Phogat

पेरिस ओलंपिक्स 2024 च भारत लेई इक मंदे भागें आहली घटना च महिला पलोआन विनेश फोगट किश ग्राम मता वजह होने करी 50 किलोभार वर्ग दी फ्री स्टाइल कुश्ती दे फाइनल मकाबले च अयोग्य घोषित करी दिती गेइयां न। भारतीय ओलंपिक संघ नै इक बयान च आखेआ जे रातीं टीम आस्सेया कीते गेदे प्रयासें दे बावजूद अज्ज बड्डलै फोगट दा वजन 50 किलोग्राम शा किश ग्राम मता हा।



## PM-Phogat

प्रधानमंत्री नरेंद्र मोदी होरें कुश्ती दी पलोआन विनेश फोगट होरें गी पेरिस ओलंपिक्स च अज्ज अयोग्य घोषित होने मगरा हौसलाफजाई कीती। इक सोशल मीडिया पोस्ट च प्रधानमंत्री होरें आखेआ जे एह बड़ा गै दुखदाई ऐ ते मयूसी आहली घड़ी ऐ। उनें आखेआ जे पलोआन फोगट होर इक चैंपियन न ते ओह भारत दा मान न जेड़ा जे हर भारतीय लेई इक प्रेरणा ऐ। मोदी होरें आखेआ जे ओह दढता दा इक प्रतीक ऐन ते उंदा स्वभाव चुनौतियें दा तगड़ेयाई कन्नै सामना करना ऐ। उनें उजागर कीता जे हर कोई उंदा पक्ख लै रदा ऐ ते मेद करा

रदे न जे ओह परतिये इस धिक्के शा उभरिये अग्गे बदोग। प्रधानमंत्री होरें भारतीय ओलंपिक एसोसिएशन दी अध्यक्ष पी.टी उषा कन्नै गल्ल कीती ते इस मामले ताई सिद्दी जानकारी हासल कीती ते विनेश हुंदे अयोग्य होने दे इस मंदे भागें आहली गल्ल दे बाद होरने विकल्पें दे बारे बी जानकारी हासल कीती। प्रधानमंत्री होरें पी.टी उषा होरें गी फोगट हुंदी अयोग्यता दे मामले च इक तगड़ा बरोध दर्ज कराने लेई बी आखेआ।

<><><><><><><>

### **Prez. Phogat**

राश्ट्रपति द्रौपदी मुर्मू होरें पैरिस ओलंपिक्स खेड्ढें च हुनै तोड़ी कीते गेदे शानदार प्रदर्शन लेई भारतीय महिला पहलवान विनेश फोगट दी सराहना कीती। इक सोशल मीडिया पोस्ट च राश्ट्रपति होरें आखेआ जे पैरिस ओलंपिक्स खेड्ढें च फोगट हुंदे आस्सेया बेहतरिन प्रदर्शन ताई देश ते देशवासी गर्व मसूस करा रदे न। राश्ट्रपति होरें आखेआ जे पैरिस ओलंपिक खेड्ढें च फोगट गी अयोग्य करार दिता जाना मंदे भागें आहली गल्ल ऐ। निराशा दी इक घड़ी च पूरा देश उंदे कन्नै ऐ। ओह इक चैंपियन न जो देश दी 1 अरब 40 करोड़ दी आबादी दे दिलें

च राज करदियां न। राष्ट्रपति होरें आखेआ जे फोगट भारतीय महिलाएं दी कदें हार नेई मनने आहली भावना दा प्रतीक ऐ। ओह भविक्ख च विश्व चैंपियन बनने आहले भारतीय खडारियें दा प्रेरणा स्रोत बनी दियां रौहडन।

<><><><><><>

### **HM-Phogat**

गृह मंत्री अमित शाह होरें पेरिस ओलंपिक्स च महिला कुश्ती दे फाइनल च पलोआन विनेश फोगट गी अयोग्य ठहराए जाने उप्पर दुख जाहर कीता ऐ। सोशल मीडिया पोस्ट च श्री शाह होरें आखेआ जे ओलंपिक च पलोआन फोगट गी अयोग्य घोषित करने कन्ने पक्के तौरा पर लक्खां बद्दे भारतीयें दी मेदां खत्म होई गेइयां न। शाह होरें आखेआ जे उंदा खेड्ठ करियर शानदार ऐ ते उनें विश्व चैंपियन गी हराने दा शानदार प्रदर्शन कीता। गृहमंत्री होरें आखेआ जे विनेश अपने खेड्ठ करियर दे इस मंदे भागें आहली गल्ल थमां उभरिये फही जेतू बनिये वापसी करंगन।

<><><><><><>

### **ECl-RS Notification**

भारतीय चुनां आयोग नै राज्यसभा च 9 राज्यें दी खाली पेदी सीटें लेई इक अधिसूचना जारी कीती ऐ। चुनां लेई अधिसूचना 14 अगस्त गी जारी होग। मेदवार इस म्हीने दी 21 तरीक तोड़ी नामजदगी दे परचे भरी सकदे न। कागज पत्रें दी जांच 22 अगस्त गी कीती जाग। नामजदगी वापस लैने दी अखीरी तरीक इस म्हीने दी 26 ते 27 तरीक गी होग। चुनांस 3 सितंबर गी होग।

<><><><><><>

### Prez.

न्यूजीलैंड दे गवर्नर जनरल डेम सिंडी किरा हुंदे साद्दे पर राष्ट्रपति द्रौपदी मुर्मू न्यूजीलैंड दे दऊं दिनें दे दौरें पर ऑकलैंड पुज्जी गेदियां न। एह 8एं बरें परेंत कुसै राष्ट्रपति दी न्यूजीलैंड जातरा होग। अपने दौरें दरान राष्ट्रपति होर गवर्नर जनरल किरा ते प्रधानमंत्री क्रिस्टोफर लक्सन हुंदे नै दपक्खी बैठकां करंगन। राष्ट्रपति होर वेलिंगटन च अंतरराष्ट्री शिक्षा सम्मेलन गी बी संबोधित करंगन। इस सम्मेलन च भारत मानजोग परौहने दे तौर पर शिरकत करै करदा ऐ। राष्ट्रपति होर ऑकलैंड च भारतीय समुदाय दे लोकें कन्नै ते भारत दे दोस्ते कन्नै बी गल्लबात करंगन। उंदे इस सरकारी दौरें कन्नै केई सारे

खेतरें च भारत ते न्यूजीलैंड दे सरबंधें च होर मजबूती औने दी मेद ऐ।



### **RS-PMKVY**

सरकारै आखेआ ऐ जे अजें तोहड़ी प्रधानमंत्री कौशल विकास योजना तैहत 1 करोड़ 48 लख मेदवारें गी सिखलाई दिती जाई चुकी दी ऐ। एह योजना बरे 2015 च रम्भी गई ही। राज्यसभा च सोआलें दे समें दरान जिमनी सोआल दा परता दिंदे होई कौशल विकास ते उद्यमिता दे केंद्री राज्यमंत्री जयंत चौधरी होरें आखेआ जे प्रधानमंत्री कौशल विकास योजना दे चौथे गेड़ तैहत नौजवानें लेई इलेक्ट्रनिक्स ते हार्डवेयर, कपड़ा, राई-बाई ते साज-समेयान दे खेतर सब्बनें शा मते पसंदीदा न।



### **VP-PM Handloom**

उपराश्ट्रपति जगदीप धनखड़ होरें जोर देइयै आखेआ ऐ जे भारत पक्क गै अगले दऊं बरें अंदर दुनिया दी त्री सब्बनें शा बड्डी अर्थ बवस्था बनी जाहग। अज्ज नमीं दिल्ली च हत्थखड्डी सरबंधी 10में अंतरराश्ट्री ध्याड़े आले इक कार्यक्रम दरान भाषण दिंदे होई

उपराश्ट्रपति होंरें आखेआ जे मुख्य तरक्की करै करदा ऐ ते इस तरक्की गी रोकेया नेईं जाईं सकदा। आर्थिक राश्ट्रवाद दी हिमायत करदे होईं री धनाखड़ होंरें आखेआ जे एह् देसै दे विकास लेईं अत्त जरूरी ऐ। उपराश्ट्रपति होंरें आखेआ जे प्रधानमंत्री नरेंद्र मोदी होंरें वोकल फॉर लोकल दा मंत्र दिता ऐ ते हत्थखड़्डी उत्पाद इस अभियान दा अहम हिस्सा न। उनें लोकें गी हत्थखड़्डी उत्पादें दा इस्तेमाल करने दी गुजारश कीती। उनें आखेआ जे एहदे लेईं सैहकारी खेत्तर इक नतीजाकुन भूमिका निभाईं सकदा ऐ। इस मौके पर उनें हत्थखड़्डी बुनकरें गी संत कबीर पुरस्कार ते राश्ट्री हत्थखड़्डी पुरस्कार भेंट कीते। एहदे शा पैहले कपड़ा मंत्री गिरिराज सिंह होंरें आखेआ जे हत्थखड़्डी दा खेत्तर टिकाऊ ते ग्रामीण रोजगार गी बढ़ावा दिंदा ऐ। उनें आखेआ जे आलमी सतह दे हत्थखड़्डी कारोबार च भारत 90 फीसदी योगदान दिंदा ऐ।

<><><><><><><>

### **LS-Renewable**

नमीं ते अक्षय उर्जा मंत्री प्रहलाद जोशी होंरें आखेआ ऐ जे अक्षय उर्जा दी समर्थ 203 गीगावाट तगर पुज्जी गेईं ऐ। लोकसभा च सोआलें दे समें दरान जिमनी सोआलें दा परता दिंदे होईं श्री जोशी

होरें आखेआ जे 115 गीगावाट नवीकरणीय उर्जा दी बाद्दू समर्थ हासल करने दी प्रक्रिया बक्ख-बक्ख चरणें च ऐ। उनें आखेआ जे बरे 2014 च अक्षय उर्जा दी समर्थ तकरीबन 76 गीगावाट ही। जोशी होरें आखेआ जे अक्षय उर्जा दी पैदावार बधाने आस्तै सरकारै केई पैहलकदमियां कीतिआं न। जोशी होरें दस्सेया जे ग्रीन हाइड्रोजन मिशन ते खुल्ले समुंदरै च कंडे थमां किश दूरी पर पवन उर्जा दा पता लाने दा कार्यक्रम देसै दी अक्षय उर्जा नीति च जोड़े गेदे नमें आयाम न।

<><><><><><>

## **LS-IT**

सरकार सूचना क्रांति दा लाह हर इक नागरिक तगर यकीनी बनाने लेई देश दे टियर-2 ते टियर-3 शहरें तगर सूचना प्रौद्योगिकी उद्योग गी लेई जाने दी योजना बना'रदी ऐ। लोकसभा च इक सवाला दा परता दिंदे होई इलेक्ट्रनिक ते सूचना प्रौद्योगिकी राज्यमंत्री जितिन प्रसाद होरें आखेआ जे सरकार नै 65 साफ्टवेयर टेक्नोलाजी पार्क्स ऑफ इंडिया केंद्रें दी स्थापना कीती ऐ ते इंदे शा 57 टियर-2 ते टियर-3 शहरें च स्थापित कीते गए न। उनें आखेआ जे सरकार ग्रामीण भारत च कनेक्टिविटी बधाने ते सूचना प्रौद्योगिकी केंद्र

स्थापित करने लेई होर मते हीले करोग। प्रसाद होरें आखेआ जे आई.टी सेक्टर च 54 लक्ख रोजगार दे मौके पैदा कीते गए जिंदे शा 37 फीसदी नौकरियें च महिलाएं दी हिस्सेदारी ऐ।

<><><><><><>

### **RS Private Universities**

UGC नै पिछले 5 बरें च 149 निजी विश्वविद्यालयें गी इजाजत दिती ऐ। राज्यसभा च इक लिखित परते च शिक्षा राज्यमंत्री डॉ. सुकांत माजुमदार होरें जानकारी दिती जे स्वायत दर्जा देने लेई UGC गी देस भरै दे बक्ख-बक्ख कालजें शां 806 प्रस्ताव ते दरखास्तां थहोइयां न। उनें आखेआ जे इंदे चा 613 प्रस्तावें गी यूजीसी नै मंजूरी देई दिती ऐ।

<><><><><><>

### **LS-Sugarcane**

सरकार नै अज्ज आखेआ जे मौजूदा खंडु आहले सीजन 2023-24 च गन्ना करसानें दा कोई 95 अशारिया 3 फीसद बकाया पिछले महीने तोड़ी चुकाया जाई चुके दा ऐ। उपभोक्ता मामले, खाद्य ते सार्वजनिक बण्ड राज्यमंत्री सुश्री निमू बेन जयंती भाई बांमानिया होरें लोकसभा च अज्ज एह जानकारी दिती। उनें आखेआ जे खंडु आहले सीजन

अक्टूबर-सितंबर 2021-22 दा कोई 99 अशारिया 9 फीसद बकाया बी भुगतान कीता जाई चुके दा ऐ। इस चाल्ली 2022-23 दे खंडु आहले सीजन दा 99 अशारिया 6 फीसद शा मते बकाए दा बी भुगतान कीता जाई चुके दा ऐ। उनें आखेआ जे खंडु मिलें आस्सेया करसानें गी गन्ने दा भुगतान नियमित आधार उप्पर कीता जा'रदा ऐ।

<><><><><><>

### **MEA-BIMSTEK Summit**

विदेश राज्यमंत्री पबित्रा मारगेरिटा होरें आखेआ ऐ जे भारती उद्योग परिसंघ-सी.आई.आई ते बिम्सटेक बपार मंच सार्वजनिक ते निजी खेतरें, नीतियां बनाने आलें ते विचारकें, उद्योग ते शिक्षा जगत, बपार संघें ते व्यक्तिगत निवेशकें दे महत्वपूर्ण प्रतिनिधिं गी इक्कै मंच पर आहन्ना करदा ऐ। नमीं दिल्ली च कल शिखर सम्मेलन च श्री मारगेरिटा होरें आखेआ जे महिलाएं गी बपार दी मुख धारा च आहन्ना शिखर सम्मेलन दी कार्यसूची दा हिस्सा ऐ। उनें आखेआ जे एह प्रधानमंत्री नरेंद्र मोदी हुंदे विकास दे नजरिये मुजब ऐ। उनें आखेआ जे महिलाएं दे नेतृत्व आला विकास बी भारत दी जी-20 अध्यक्षता दा इक अनट्रुट्ट अंग ऐ ते टिकाऊ विकास लेई अत लाजमी ऐ। मारगेरिटा होरें आखेआ जे बिम्सटेक खेतर च दुनिया दी तकरीबन

25 फीसदी आबादी ऐ जेहड़ी कुदरती ते मनुक्खी दौनें किस्मै दे साधनें-वसीले कन्ने लैस ऐ। मंत्री होरे आखेआ जे बिम्सटेक भारत लेई खास थाहर रक्खदा ऐ ते एह् स्हाड़ी नीतिएं दे केंद्र च ऐ।

<><><><><><>

## **LS-Poverty**

सरकारै आखेआ ऐ जे मुख्य थमां गरीबी हटाने लेई बक्ख-बक्ख गैह् पुट्टियां जा'रदियां न। लोकसभा च इक लिखित परते च आंकड़े ते कार्यक्रमें दी अमल आवरी सरबंधी केंद्री राज्यमंत्री राव इंद्रजीत सिंह होरे आखेआ जे नीति आयोग दी रिपोर्ट मुजब 2013-14 थमां 2022-23 बरे दौरान तकरीबन 25 करोड़ लोकें गी गरीबी दे दायरे शा बाहर लेआंदा गेआ ऐ। उत्तर प्रदेश दे 5 करोड़ 93 लक्ख, बिहार दे 3 करोड़ 77 लक्ख, मध्य प्रदेश दे 2 करोड़ 3 लक्ख ते राजस्थान दे 1 करोड़ 87 लक्ख लोकें गी बहु आयामी गरीबी दे दायरे थमां बाहर लेआंदा गेआ। नीति आयोग दा बहु आयामी गरीबी सरबंधी सूचकांक स्वास्थ्य, शिक्षा ते जीन जीने दे तौर-तरीकें दा जायजा लेइयै गरीबी दा अंदाजा पेश करदा ऐ ते लोकें दी गरीब ते ओहदे शां निजात पाने दी रफ्तार गी मापदा ऐ।



आतंकी हमले गी दिक्खदे होई पुलस दे सुरक्षा सीगे नै समारोह  
आहली थाहर ते एहदे नेड़े सुरक्षा दे निग्गर बंदोबस्त कीते न। सुरक्षा  
सीगे इलाके उप्पर पूरा नियंत्रण करी लैता ऐ ते आम माहनू दी  
स्टेडियम च औने दी मनाही करी दिती ऐ। गड़डियें दी तलाशी लैती  
जा रदी ऐ ते उनें लोके गी गै स्टेडियम च औन दिता जा रदा ऐ  
जिंदे कोल सुरक्ष कार्ड मौजूद न।

<><><><><><>

## MHA

गृह मंत्रालय नै अज्ज पुलस महानिदेशक आर.आर स्वैन होरेंगी जेड़े  
हूनै तगर जम्मू पुलसै दे महानिदेशक दा बाददू कार्यभार साम्भा रदे'हे,  
उनेंगी हून जम्मू-कश्मीर दा फुल टाइम डीजीपी नियुक्त कीता ऐ।  
आकाशवाणी जम्मू संवाददाता नै जानकारी दिती ऐ जे आर.आर स्वैन  
होर मौजूदा समे च जम्मू-कश्मीर पुलस दे महानिदेशक दा बाददू  
कार्यभार साम्भ'रदे न। गृह मंत्रालय दे हुकम मुजब स्वैन हुंदी एह  
नियुक्ति तदू थमां लागू मन्नी जाग जदू थमां उनें एह कार्यभार  
साम्भेया हा ते एह 30 सितंबर 2024 यां फही अगले हुकमै तोड़ी लागू  
रौहग।

